

華北卷



65

北
京
圖
書
館
編

地
方
志
人
物
傳
記

資
料
叢
刊

北京圖書館出版社

【華北卷】

第六十五冊

地方志人物傳記資料叢刊

北
京
圖
書
館

北京圖書館出版社

新
華
社
PDG

第六十五冊目錄

(民國)綏遠通志稿(二)

人物	一
仕績	
前漢	
後漢	六
魏	一一
後魏	一二
北周	一五
隋	一七
唐	二〇
五代	三九
宋	四一
遼	四四
金	四六
元	五〇
明清	五二
民國	九六
客將	一一一
秦	
前漢	一一二
後漢	一一七

後魏	一二〇
隋	一二一
唐	一二二
宋	一二八
明	一三〇
清	一三三
民國	一四〇
使臣	一四七
前漢	
後漢	一五四
後魏	一五七
北齊	一五九
隋	一六〇
唐	一六三
宋遼	一六六
元	一六七
明	一六八
清	一六九
忠烈	一七七
孝友	一九七
義行	二一一
僑寓	二二五
文藝	二五一
方技	二六三

列女	二八一
帝后	三三七

(光緒)土默特旗志

職官	三六七
職官考	三六八
職官表	三七一
人物志	三八三
忠節	三八四
陣亡弁兵	三八八
義行	三九三
烈婦 節婦	三九五

(光緒)歸綏識略

官制	三九九
職官表	四〇五
宦績	四二九
漢	
東漢	四三七
北魏	四四〇
北齊 北周 隋	四四二
唐	四四三
五代	四四五
宋	四五六

遼金	四五七
元	四五九
明	四六〇
清	四六二
賢材	四八七
使臣	五一一
寓客	五一九

(民國)歸綏縣志

職官志	五二九
職官表	
宦績	五三八
選舉志	五三九
科貢	
辟薦	五四四
民選	五四五
卒業	五四六
仕籍	五五五
人物志	五五七
人物表	五五八
傳	五七〇
列女志	五八五

(光緒)歸化城廳志(一)

職官	六〇一
歷代官職	六〇二
文職	六二三
總學教諭	六三七
巡檢	六三八

各類奏章	六五四
摘抄議準各條	六六六
養廉俸薪	六九六
現設武職	六九九

綏遠通志稿卷八十八

人物(仕績)

前序謂土生而出仕者曰鄉宦。外來而臨民者曰仕績。茲依此例輯歷代外籍嘗官於斯土者若干人備考覽焉。

↑前漢

孟舒嘗事趙王張敖。高帝八年趙相貫高等謀逆事發。下詔捕敖及羣臣反者。有敢隨趙王罪三族。惟田叔、孟舒等十餘人赭衣自髡鉗。隨敖至長安。敖事白得出。乃進言叔等十人上召見與語。漢廷臣無能出其右者。上悅。盡拜為郡守、諸侯相。舒為雲中守。及文帝初立。召漢中守田叔問曰：「公知天下長者乎？」對曰：「臣何足以知之上？」曰：「公長者宜知之。」叔頓首曰：「故雲中守孟舒。長者也。是時舒坐寇大入雲中。免。上曰：『先帝

置孟舒雲中十餘年矣。虜常一入。孟舒不能堅守。無故士卒戰死者數百人。長者固殺人乎。叔叩頭曰。夫貫高等謀反。天子下明詔。趙有敢隨張王者。罪三族。然孟舒自髡鉗隨張王。以身死之。豈自知為雲中守哉。漢與楚相距。士卒罷敝。而匈奴冒頓新服。北夷來為邊寇。孟舒知士卒罷敝。不忍出言。士爭臨城死敵。如子為父。以故死者數百人。孟舒豈毆之哉。是乃孟舒所以為長者。於是上曰。賢哉孟舒。復召以為雲中守。魏尚。槐里人。為雲中守。軍市租盡以給士卒。出私養錢五日。一殺牛以饗賓客。軍吏舍人匈奴遠避。不近雲中之塞。寇嘗一入。尚率車騎擊之。所殺甚衆。坐上功。首虜差六級。下之吏。削其爵。後文帝令馮唐持節赦尚。復以為雲中守。李廣。隴西成紀人。世世受射。景帝時為雁門雲中太守。武帝

即位。左右言廣名將也。由是入為未央衛尉。後四歲。廣以衛尉為將軍。出雁門擊匈奴。匈奴兵多破廣軍。生得廣。單于素聞廣賢。令曰。得李廣必生致之。胡騎得廣。廣時傷。置兩馬間。絡而盛之。卧行十餘里。廣陽死。晚其傍有一免。騎善馬。暫騰而上。胡免馬因抱免。鞭馬南馳數十里。得其餘軍。匈奴騎數百追之。廣行取免弓射殺追騎。以故得脫。於是至漢。漢下廣吏當斬。贖為庶人。居無何。為右北平太守。匈奴號曰漢飛將軍。避之數歲。不入界。元朔六年。廣復為將軍。從大將軍出定襄。諸將多為侯者。而廣軍無功。廣歷七郡太守。前后四十餘年。得賞賜。輒分其麾下。飲食與士卒共之。家無餘財。終不言生產事。將兵乏絕處。見水。士卒不盡飲。不近水。不盡餐。不嘗食。寬緩不苛。士以此愛樂為用。元狩四年。大將軍驃騎將軍

大擊匈奴。令廣引兵與右將軍趙食合軍出東道。惑失道。後
大將軍長史急責廣之幕府上簿。遂引刀自剄。百姓聞之。知
與不知。老壯皆為垂泣。
常惠。太原人。西河太守。元狩四年。大將軍青出定襄。擊匈奴。
還。吏卒無封者。唯西河太守常惠。雲中太守遂成。受賞。遂成
諸侯相。賜食邑二百戶。黃金百斤。惠爵闕內侯。
杜延年。字幼公。南陽人。周子。明法律。昭帝始元四年。封建平
侯。宣帝即位。益戶二千三百。為西河太守。治甚有名。五鳳中。
徵入為御史大夫。薨。諡曰敬侯。
辛慶忌。字子真。狄道人。成帝初。大將軍王鳳薦慶忌質行正
直。仁勇得眾心。徵為光祿大夫。執金吾。數年。坐小法。左遷為
雲中太守。

班伯其先與楚同姓。令尹子文之後也。河平中。單于來朝。上使伯持節迎於塞下。會定襄大姓石季羣輩報怨殺追捕吏。伯上狀。因自請願試守期月。上即拜伯為定襄太守。定襄聞伯素貴。年少。自請治劇。畏其下車作威。吏民竦息。伯至。請問耆老。父祖故人有舊恩者。迎延滿堂。日為供具。執子孫禮。郡中益弛。諸所賓禮。皆名豪懷恩。醉酒共諫。伯宜頗攝錄盜賊。具言本謀。亡匿處。伯曰。是所望於父師矣。乃召屬縣長吏。選精進掾史。分部收捕。及他隱伏。旬日盡得。郡中震栗。咸稱神明。歲餘。上徵伯以為侍中。光祿大夫。馮立字聖卿。奉世子。上黨潞人。元帝竟寧中。出為五原屬國都尉。數年。遷五原太守。徙西河上郡。立居職公廉。治行略與尤野王相似。而多智有恩貸。好為條教。吏民嘉美。野王立相。

代為太守。稱之曰大馮君。小馮君。

案漢書列傳中尚有二人。曾任北邊郡職。一為翟方進。一為義縱。方進於河平中為博士。數年遷朔方刺史。居官不煩苛。所察應條輒舉。甚有威名。義縱為定襄太守。縱至掩定襄獄中重罪二百餘人。及賓客昆弟私入相似視者亦二百餘人。縱壹切捕鞠。曰為死罪。解脫。是日皆報殺四百餘人。郡中不寒而栗。縱治郡雖慘刻。然亦綏境一舊聞也。原志稿未錄。茲特輯補之。

↑
後漢

郭伋字細侯。扶風茂陵人也。建武十一年。省朔方刺史屬并州。調伋為并州牧。伋在并州。素結恩德。所到縣邑。老幼相攜。逢迎道路。始至行部。到西河美稷。有童兒數百。各騎竹馬於

道次迎拜。伋問免曹何自遠來。對曰。聞使君到。喜故來奉迎。伋辭謝之。及事訖。諸免復送至郭外。問使君何日當還。伋謂別駕從事計日當告之。行部既還。先期一日。伋為違信於諸免。遂止於野亭。須期乃入。伋以老病上書乞骸骨。二十二年。徵為太中大夫。明年卒。時年八十六。帝親臨弔。賜冢塋地。廉范字叔度。京兆杜陵人。趙將廉頗之後也。永平初。舉茂才。數月。遷雲中太守。會匈奴大入塞。烽火日通。故事。虜人過五千人。移書傍郡。吏欲傳檄求救。范不聽。自率士卒拒之。虜衆盛而范兵不敵。會日暮。令軍士各交縛兩炬。三頭爇火。營中星列。虜遙望火。多謂漢兵救至。大驚。待旦將退。范乃令軍中蓐食。晨往赴之。斬首數百級。虜自相譟藉。死者千餘人。由此不敢復向雲中。

馬襄為河西長史。永平五年冬，北匈奴六七千騎入於五原，塞遂寇雲中。至陽原，南單于擊卻之，襄赴救，虜乃引去。成嚴為雲中太守，建光元年秋，鮮卑其至，鞬寇居庸，成嚴擊之，兵敗散。功曹楊穆以身扞嚴，與俱戰沒。宋漢字仲和，以經行著名，舉茂才，四遷西河太守，度遼將軍，立名節，以威恩著稱。拜太中大夫，卒。策曰：宋漢清修雪白，正直無邪。前在方外，仍統軍實懷柔異類，莫匪嘉績。戎車載載，邊人用寧。予錄乃勲，引登九列。因病退讓，守約彌堅。將授三事，未克而終。朝廷愍悼，怛其愴然。詩不云乎：肇敏戎功，用錫爾祉。其令將相大夫會葬，加賜錢十萬，及其在殯，以全素絲羔羊之節焉。耿夔字定公，為長水校尉，拜五原太守，遷遼東太守。永初三

年鮮卑畔出塞。夔不能獨進。以不窮追。左轉雲中太守。陳龜字叔珍。上黨泫氏人。家世邊將。便習弓馬。雄於北州。龜少有志氣。永建中舉孝廉。五遷五原太守。永和五年。拜使匈奴中郎將。時南匈奴左部反亂。龜以單于不能制下。外順內叛。促令自殺。坐徵_徵下獄。免。崔寶字子真。一名台。字元始。少沈靜。好典籍。桓帝初。詔公卿郡國舉至孝獨行之士。寶以郡舉。徵詣公車。病不對策。除為郎。明於政體。吏才有餘。論當世便事數十條。名曰政論。指切時要。言辯而確。當世稱之。召拜議郎。遷大將軍梁冀司馬。與邊韶延篤等著作東觀。出為五原太守。五原土宜麻枲。而俗不知織績。民冬月無衣。積細草而卧其中。見吏則衣草而出。寶至官。斥賣儲待。為作紡績織絰練縕之具。以教之。民得以

免寒苦。是時胡虜連入雲中朔方殺略吏民。一歲至九奔命。實整厲士馬。嚴烽堠。虜不敢犯。常為邊最。母劉氏有母儀淑德。博覽書傳。實在五原。常訓以臨民之政。實之善績。母其有助焉。

陳翔字子麟。汝南邵陵人。祖父珍。司隸校尉。翔少知名。善交結。察孝廉。太尉周景辟舉高第。拜侍御史。奏大將軍梁冀恃貴不敬。時人奇之。遷定襄太守。坐黨事。考黃門北寺獄。以無驗見原。卒於家。

案度遼將軍。前漢專以制烏桓。范明友嘗任之。旋廢。且事與綏遠無涉。故不言之。後漢之度遼將軍。置於永平八年。屯五原之曼柏。與五原太守治所並在今包頭縣境內。惟本志職官篇已有度遼將軍表。載其姓名。略歷及任職去。

職年月較詳。是以此篇但述刺史太守。不再複述度遼將軍也。

↑魏

陳泰字玄伯。潁川許昌人。正始中。徙遊擊將軍。為并州刺史。加振威將軍。使持節護匈奴中郎將。懷柔夷民。甚有威惠。京邑貴人多寄寶貨。因泰市匈奴婢。泰皆掛之於壁。不發其封。及徵為尚書。悉以還之。後官至尚書右僕射。景元元年薨。追贈司空。諡穆侯。

孫禮字德達。涿郡容城人。時匈奴主劉靖部衆彊盛。而鮮卑數寇邊。乃以禮為并州刺史。加振武將軍。使持節護匈奴中郎將。後入為司隸校尉。凡臨七郡五州。皆有威信。遷司空。封大利亭侯。嘉平二年薨。諡曰景侯。

畢軌字昭先。明帝在東宮時，軌在文學中。明帝即位，入為黃門郎，遷并州刺史。其在并州，名為驕豪。時雜虜數為暴害吏民，軌輒出軍擊鮮卑，輒比能，失利。中護軍蔣濟表曰：「畢軌前失，既往不咎。今失并州，換置他州，不毀其德於國事實善。」此安危之要，唯聖恩察之。正始中，入為中護軍。

魯芝字世英，扶風人。初為大將軍曹爽司馬，爽既誅，即擢芝為并州刺史。以後仕進至特進光祿大夫。

↑
後魏

安原，遼東人，雅性矜嚴。沈勇多智畧。明元時，為獵郎，出監雲中軍事。時赫連屈丐犯河西原，驍勇以數十騎擊之，殺十餘人。帝以原輕敵，違節度加罪。然知原遂任，以為將鎮雲中。蠕蠕犯塞，原輒破之，以功賜爵武原侯。